



吉林出版集團有限公司  
海天出版社

欽定四庫全書薈要

集部  
別集類





目次

書

名

卷

次

頁

次

作

者

會昌一品集

卷首

卷一

徽冊  
贊

卷二

紀功

卷三

製

卷四

製

卷五

詔敕上

卷六

詔敕中

卷七

卷一—卷二〇

三六六一—

三六六一二

三六六一六

三六六一二

三六六一七

三六六一三

三六六一九

三六六一三九

唐·李德裕撰

| 書名         | 卷次 | 頁次      | 作者 |
|------------|----|---------|----|
| 詔敕下        |    |         |    |
| 卷八         |    | 三六六—四七  |    |
| 製詞         |    |         |    |
| 卷九         |    | 三六六—五四  |    |
| 奉宣代諸道節度使書下 |    |         |    |
| 卷一〇        |    | 三六六—六一  |    |
| 論朝廷大政等狀    |    |         |    |
| 卷一一        |    | 三六六—六七  |    |
| 釐革故事       |    |         |    |
| 卷一二        |    | 三六六—七二  |    |
| 雜狀         |    |         |    |
| 卷一三        |    | 三六六—七九  |    |
| 論用兵一       |    |         |    |
| 卷一四        |    | 三六六—八六  |    |
| 論用兵二       |    |         |    |
| 卷一五        |    | 三六六—九二  |    |
| 論用兵三       |    |         |    |
| 卷一六        |    | 三六六—一〇一 |    |

| 書名                                                                                                                                                         | 卷次            | 頁次                                                                                                                      | 作者 |
|------------------------------------------------------------------------------------------------------------------------------------------------------------|---------------|-------------------------------------------------------------------------------------------------------------------------|----|
| <p>論用兵四</p> <p>卷一七 密狀</p> <p>卷一八 進獻</p> <p>卷一九 謝恩</p> <p>卷二〇 祈告</p> <p>李衛公別集</p> <p>卷一 賦上十三首</p> <p>卷二 賦下十四首</p> <p>卷三 詩上并唱和酬答三十六首</p> <p>卷四 詩下并唱酬三十五首</p> | <p>卷一—卷一〇</p> | <p>三六六—一〇八</p> <p>三六六—一一六</p> <p>三六六—一二三</p> <p>三六六—一二八</p> <p>三六六—一三三</p> <p>三六六—一四一</p> <p>三六六—一五一</p> <p>三六六—一五八</p> |    |

| 書名                                                                                                                                                                | 卷次           | 頁次                                                                                                                                     | 作者 |
|-------------------------------------------------------------------------------------------------------------------------------------------------------------------|--------------|----------------------------------------------------------------------------------------------------------------------------------------|----|
| <p>卷五<br/>疏狀</p> <p>卷六<br/>書碑</p> <p>卷七<br/>記</p> <p>卷八<br/>箴</p> <p>卷九<br/>記</p> <p>卷一〇<br/>思山居十首</p> <p>李衛公外集</p> <p>卷一<br/>評史一</p> <p>卷二<br/>評史二</p> <p>卷三</p> | <p>卷一—卷四</p> | <p>三六六—一六二</p> <p>三六六—一六八</p> <p>三六六—一七六</p> <p>三六六—一八一</p> <p>三六六—一八四</p> <p>三六六—一九〇</p> <p>三六六—二〇〇</p> <p>三六六—二〇七</p> <p>三六六—二二三</p> |    |

| 書名    | 卷次     | 頁次      | 作者                      |
|-------|--------|---------|-------------------------|
| 評史三   | 卷一—卷一〇 | 三六六—二二三 | 唐・李商隱撰<br>清・徐樹穀箋<br>徐炯註 |
| 卷四    |        |         |                         |
| 評史四   |        |         |                         |
| 附錄    |        |         |                         |
| 本傳    |        | 三六六—二三〇 |                         |
| 李義山文集 |        |         |                         |
| 卷首    |        | 三六六—二四三 |                         |
| 卷一    |        | 三六六—二四七 |                         |
| 表     |        |         |                         |
| 卷二    |        | 三六六—二七三 |                         |
| 表     |        |         |                         |
| 卷三    |        | 三六六—二九五 |                         |
| 狀     |        |         |                         |
| 卷四    |        | 三六六—三一六 |                         |
| 啓     |        |         |                         |
| 卷五    |        | 三六六—三四四 |                         |
| 啓     |        |         |                         |
| 卷六    |        | 三六六—三七三 |                         |

| 書名                                                                                                                                                | 卷次           | 頁次                                                                                                                                     | 作者                       |
|---------------------------------------------------------------------------------------------------------------------------------------------------|--------------|----------------------------------------------------------------------------------------------------------------------------------------|--------------------------|
| <p>祭文<br/>卷七<br/>祭文<br/>卷八<br/>祝文 檄文 箴<br/>卷九<br/>序<br/>卷一〇<br/>書 傳 碑銘 賦 雜著<br/>李義山詩集註<br/>卷首<br/>卷一上<br/>卷一下<br/>卷二上<br/>卷二下<br/>卷三上<br/>卷三下</p> | <p>卷一—卷三</p> | <p>三六六—三九四<br/>三六六—四一一<br/>三六六—四三〇<br/>三六六—四四九<br/>三六六—四六五<br/>三六六—四六八<br/>三六六—四九五<br/>三六六—五二一<br/>三六六—五四三<br/>三六六—五六九<br/>三六六—五九五</p> | <p>唐・李商隱撰<br/>清・朱鶴齡註</p> |

欽定四庫全書薈要

集部  
會昌一品集卷一至六

臣王杰詳校  
詳校官助教臣常循

欽定四庫全書薈要

會昌一品集

提要



臣等謹案會昌一品集二十卷李衛公別集十卷外集四卷唐李德裕撰德裕事蹟具唐書本傳晁公武讀書志稱所作名會昌一品集者皆武宗時制誥外集皆賦詩雜文窮愁志則遷謫以後閒居論史之文也此本正集二十卷仍標曰會昌一品集別集十卷蓋即公武所謂外集其外集四卷即所謂窮愁志也但標題小異意即蜀本之舊較明時來州所刻僅會昌一品集十卷外集四卷者尚為完備陳振孫書錄解題稱衛公備全集五十卷年譜一卷又稱蜀本之外有姑臧集五卷獻替錄辨謗畧諸書共十一卷則其本不傳久矣史言德裕在穆宗朝為翰林學士號令

欽定四庫全書

會昌一品集  
提要

典冊咸出其手而文多不傳意皆在五十卷內也乾隆四十二年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

會昌一品集

二

欽定四庫全書舊要卷一萬四千二十四集部

會昌一品集卷一

唐 李德裕 撰

徽冊 讚

上尊號玉冊文 會昌二年

維會昌二年歲次壬戌四月乙丑朔十四日戊寅攝太

尉光祿大夫守司空兼門下侍郎同中書門下平章事

臣德裕銀青光祿大夫守尚書左僕射兼門下侍郎同

欽定四庫全書

會昌一品集

中書門下平章事臣夷行金紫光祿大夫尚書右僕射

兼中書侍郎同中書門下平章事臣拱銀青光祿大夫

守中書侍郎同中書門下平章事臣李紳及文武百官

金紫光祿大夫檢校司徒兼太子太保臣僧孺等六千

五百七十四人言臣聞義皇首太古之號成湯顯神武

之稱我高祖皇王是憲尊名若古貽厥丕訓為子孫之

法豈不善始善述哉矧乃巨唐受命繼體承業理運將

至大君以興昊穹所以開至聖也曩者明兩未定帝華

不協舍膺傳聖深惟至公先后所以昭天命也亦猶堯  
發於唐侯文興於代邸神明之祚不其難哉伏惟皇帝  
陛下清明溥鬯光耿四海玄德莫隣天休大賚日角見  
表氣志如神爰初定命正心理物如辰居極而天下無  
邪矣由是昭德塞違尊賢遠佞禹不自滿成不敢康罔  
盤於田不邇於色自閨壺以施王教由家道而刑國風  
去比周覈名實擥乾綱擇聖紀修舊典協誠質於嘉壇  
款泰一進正臣以端治表禮故老以求讜言遠無蔽獄  
近無留命祈玄祖而膏雨降祀靈岳而嘉穀登省刑罰  
而蓬宇消發倉廩而螽螟息去歲龍旂承祀大輅親郊  
捧玉瓚而一獻光靈來格振金石而六變魄寶昭臨然  
猶古訓是學緝熙于道天文炳煥雲漢其章溫恭敬遜  
承太任之教和樂愷悌洽戚藩之心德風偃於羣黎威  
霆動乎絕域又以敬養不逮於長樂昭配未升於禰宮  
每懷嗣徽蒸蒸而慕所以奉若慈訓對越兩儀因心立  
制永錫其教寬虔劉之罪興惻隱之仁回電收霜為之

反汗及單于慕義景附朔邊耀德戢兵謙臨是受至於  
備文物展國容莫不先甲而布甘澤丁辰而廓陰羽和  
景晏溫卿霑細縕斯所謂神祇之心應矣天人之際交  
矣於是服冕之士戴鵠之倫登藩侯邦伯黃髮鮐背不  
謀而進曰陛下玄默天晬輝光日新大矣孝熙四極爰  
臻誠宜玉版溫潤鏤鴻明之德神寶焜耀薦萬斯之年  
丕夫大典不可辭也陛下猶謙退固拒至于三四羣臣  
不已乃曰俞哉夫徧覆包含之謂仁極深研幾之謂聖  
憲度著明之謂文蠻夷震懾之謂武威而遂通之謂神  
無思不服之謂孝臣等不勝大願謹奉玉冊玉寶上尊  
號曰仁聖文武至神大孝皇帝伏惟陛下乾健不息謙  
尊而光樂戒其耽禽戒其荒壽乃侔於殷宗俗乃厚於  
成康貽燕後昆受福無疆臣德裕等誠歡誠躍頓首頓  
首謹言

上尊號玉冊文

會昌  
五年

維會昌五年歲次乙丑正月己酉朔一日己酉光祿大

夫守太尉兼門下侍郎同中書門下平章事臣德裕光祿大夫守尚書左僕射兼門下侍郎同中書門下平章事臣悰朝議大夫守尚書右僕射兼中書侍郎同中書門下平章事臣讓夷朝議大夫守中書侍郎兼戶部尚書同中書門下平章事臣崔鉉及文武百官大中大夫太常卿臣孫簡等六千二百二人言臣聞在昔周宣猷狁內侵四牡薄伐以定王國則詩人大其功暨於漢宣北夷乖亂呼韓慕義郅支遠遁則簡策著其美惟此二

欽定四庫全書

會昌一品集

四

代稱為中興問者開成之末星孛如雲螟飛蔽天先帝戚之黎人懼焉乃授至聖遺大投艱迄茲成功厥有冥數伏惟仁聖文武至神大孝皇帝表應龍翼粹合乾剛神全而正氣凝宇定而天光發智燭千里動必察微心鏡萬機物來斯應於是三材用四維張建中和之極綴前聖之綱重樞機修法制刑御家之理無出壺之言銷讒邪遠佞幸絕背公之黨退好徑之人內嚴體貌增堂陛之峻外絕締交去輔車之勢古所謂受命于天惟舜

獨正也又曰一心定而萬物服惟陛下得之曩者北狄矜功耗蠹中國種類磐牙根柢封殖異術肺腑縞衣如荼挾邪作蠱浸淫宇內倒懸不解百有餘年既而龍祠堙滅攜國款塞質帝女感海疆有狼顧平城之心鯨吞咸洛之志爰命梟將塞旗刈旃兵鏖穹廬火烈荆榛颺劉縡碎輶輓六羸遁逃貴主生還剋滅妖跡勦除醜類故名王結髮冠帶入臣堅昆稽首謁譯來獻而又姦臣放命二紀陸梁據太行之固下窺洛邑通故絳之道旁

欽定四庫全書

會昌一品集

五

睨近關樹其遺孽以竊兵柄議者僉曰精甲十萬積穀十年泉魚不察湯網宜懸陛下雄斷霆聲羣疑冰釋揚清風而掃雲鼓迅雷而破山任馮異則拔天井而振上黨仗吳漢則發突騎而窺邯鄲壺關失險山東奪魄屬有成邊叛將竊發參墟人心搖蕩異議放肆陛下臨朝而言曰二寇獲罪於天予所不捨未三旬而定晉陽纔期年而滅潞子不以金購犄將多降不勞師克粵首馳報非至德感物孰能臻於此乎由是台宰百辟藩屏將

帥上言曰成伐東夷而肅慎來賀景翦七國而王室乃安莫不始於武功終致刑措將以禋上帝薦祖宗宜受鴻名以答玄貺陛下猶謙遜而五讓之勤請弗已乃屈己以俞之雲漢為章所以昭法度也神明其德所以成教化也魏乎有功帝堯之則也勤於大道玄祖之訓也臣等不勝大願謹奉玉冊玉寶上尊號曰仁聖文武章天成功神德明道大孝皇帝伏惟陛下不有其名以保其成不德其功以戒其盈享殷宗之福致周道之平熙

欽定四庫全書

會昌一品集  
卷一

六

我王度玉振金聲臣德裕等誠歡誠躍頓首頓首謹言

仁聖文武至神大孝皇帝真容讚

并序

仁聖文武至神大孝皇帝御極之五載氣應天和德感人心朝廷四方咸一於正以精蕩祲以道勝殘故得風雨時若螽蟴歲息銷蓬宇為休氣驅戎狄為懷人北荒堅昆重譯而至厥有窘伐憑阻弄兵陸梁韋顧既伐夙沙自縛武功既成體德昭明前古未聞百王莫致之事皆歲筴於圖謨矣皇上以為大禹叙九疇敬五事豈不

曰貌恭則莊視明則正予欲作續傳照審其儀形且夫聖人潛心於天以通神明先定其神而萬物理矣昔之訪具茨期姑射在此而已況乎廣成之戒抱一玄元之去多欲予所貴道良謂是矣豈眩夫係風之言奇彼淖水之術從偃佺之所珍遺堯舜之令命也哉於是圖輕素寫良金擬鑑形於止水若凝視於清鏡五彩既彰穆穆皇皇居列仙之館近玄祖之光蓋以昭燕翼之謀顯丕承之德矣臣聞古之至聖必有奇相是以黃熊之瑞應於龍體赤精之符協於圖表頎然而長文王所以王天下也體貌多奇漢高所以威海內也然則續事之微極於微肖至於天光晬清日光明潤非可圖也庶髣髴焉末臣奉詔敢颺言曰

欽定四庫全書

會昌一品集  
卷一

七

唐運中興天授大君軒耀其武堯煥其文北伐獫狁朔漠消氛西伏堅昆稽首稱臣稭生壺關盜起河汾沈機先物雄斷解紛克定羣慝竟全大勲八表既寧萬機益勤爰命綵績載模天真崑閬仙岑峻極秋旻蓬瀛白日

光照清晨涵育如天尊嚴若神輝赫網緼為龍為雲聖  
作物覩禎祥以臻宣光孚靈虞熙載甄政建中和金聲  
玉振太堦既平廟器乃陳化下以德持盈以仁四瀆宗  
海衆星拱辰億萬斯年藻朗日新

欽定四庫全書

會昌一品集  
卷一

會昌一品集卷一

欽定四庫全書舊要卷一萬四千二十五 集部  
會昌一品集卷二

唐 李德裕 撰

紀功

幽州紀聖功碑銘 并序

幽州盧龍軍帥檢校尚書右僕射張公仲武往年修獻  
捷之禮今年有銘勲之請二者君子韙之豈不以諸侯  
有四夷之功獻其戎捷春秋舊典也宗周納肅慎之貢

欽定四庫全書

會昌一品集  
卷二

銘於楷矢天子令德也斯可以為元侯表可以為後代  
法聖上嘉其動而中禮乃命宰臣採其元功傳於惇史  
臣德裕敢颺言曰夫兵者所以除暴害也愛人則惡其  
為害禁暴則惡其為亂雖睿智不殺化之以神至德允  
懷招之以禮然書有猾夏之戒傳有修刑之訓虞舜四  
罪乃成大功文王一怒以至無侮非德教之助歟仁聖  
文武章天成功神德明道大孝皇帝熙我文典煥乎光  
明極象外之微臻於至道鼓天下之動致於中和慮必

鈞深退而藏密故能神機獨照伐未兆之謀威光遠震制不羈之虜當其時也烽燧迭警羽書狎至人心大搖羣師沮氣皇帝以軒后之威神漢高之大略光武之雄斷魏祖之機權合而用之以定王業此議臣所以不敢望於清光也倬哉天地應而品物生君臣應而功業成故龍躍而雲從鶴鳴而子和方叔伐獫狁蠻荆來威安遠擊車師西域振服宜有良將殿於朔邊張公禮閱戰罷書成傳癖張仲孝友子孺塞泉流落不偶光景未耀

明主雅聞奇志持印而拜將軍遙推赤心築壇而命元帥拔自雄武授之薊門果能精誠奮發策慮幅憶千里獻籌一心憂國則知龍顏善將任人傑而不疑日角好謀嘆敵國而強意回鶻者本北狄之裔也或曰獯狁或曰山戎五帝所不能臣三王所不能制前史載之詳矣暨薛延陀之敗也酋帥吐迷度率衆款塞太宗幸靈武納降立回鶻部落置瀚海都督因我封殖遂雄北方肅宗之戡內難也葉護以射鵰之士親護戎旌亦由羌髡

率師以翼周北貊梟騎以助漢既殄大憝乃疇厥庸特拜葉護司空歲賜繒二萬疋厥後飾宗女以配之立宮室以居之其在京師也瑤祠雲構甲第綦布棟宇輪奐衣冠縞素交利者風偃挾邪者景附其翎侯貴種則被我文績帶我金犀悅和音厭珍膳蝸蠹上國百有餘年既而桀驁無親天命不佑僭侈極欲神道惡盈本國薦饑畜產耗半黠夏斯因利乘便遂焚龍庭區落蕭條陰燐青熒今之烏介可汗亡逃失國竊號沙漠非我冊命

自為假王其來也羨漫陰山睥睨高闕玄塞之下氛霧蔽天質貴主以前驅依大國而求援或丐我米糒拯其饑人或邀我甲兵復其故地外雖柔服內有桀心因行人致詞徵呼韓故事願居光祿塞急保受降城其下有二部曰赤心宰相那頡頏特勒赤心者天性忿鷙戎馬尤盛初與名王盟沒斯首謀內附俄而負力怙氣潛圖厲階為盟沒斯所紿誘以俱謁可汗戮於帳下其衆大潰東逼漁陽上乃賜公璽書授以方略公以室韋悍亟